

JOHANN GOTTLOB LEHMANN

De Consensu Partium Corporis Humani
Occasione Spasmi Singularis in Manu
Eiusque Digitis ex Hernia Observati.

32889/B

Lehmann (2.5.)
~~DISERTATIO~~ INAUGURALIS MEDICA
DE
**CONSENSV PARTIVM
CORPORIS HVMANI**
OCCASIONE
SPASMI SINGVLARIS
IN MANV EIVSQVE DIGITIS
EX HERNIA OBSERVATI
EXPOSITO SIMVL
NERVORVM BRACHIALIVM ET CRVRALIVM
COALITV PECVLIARI ATQVE PAPILLARVM NERVEARVM
IN DIGITIS DISPOSITIONE

Q V A M
P R A E S I D E
D. ABRAHAMO VATERO
ANAT. ET BOTAN. PROF. PVBL.
SOCIET. NAT. CVR. ET LONDIN. AC BEROLIN. SODALI
H. T. ACADEMIAE RECTORE

H. L. Q. C.
PRO GRADV DOCTORIS 46469
D. II. NOVEBR. A. R. S. MDCCCXLI.
DISQVIBITIONI EXPONET
IOANNES GOTTLOB LEHMANNVS
BOKERD. MISN.

15517
photostat from

copy at

Army medical library
Washington



EXPLICATIO FIGURARVM.

FIG. I.

Exhibet coactum multiplicem nervorum axillarium, in
capsula inclusorum.

A. B. C. Tres nervi cervicales inferiores.

D. E. Duo nervi superiores dorsales.

FFF. Coactus eorum nervorum multiplex.

g. b. i. k. l. m. n. o. p. q. r. rami nervorum brachiorum - capsula
egressorum et per brachium distributorum, ex quibus
nervus

b. pollicis nervos dat in Fig. II. delineatos, nec non indicis et
medio digito.

i. medio digito et annulari.

l. minimo digito prospicit.

Reliqui per musculos diffeminantur.

FIG. II.

Delineantur nervi pollicis.

p. denotat nervum Fig. I. b.

iiii. Quatuor rami eiusdem per pollicem distributi, eorum
sumis papillis obfisi, unde aristae frumenti repraesentant.

iii. duo eius rami ad indicem excurrentes.

ii. duo rami ad medium digitum abeuntes.

FIG. III.

Stylis duos ramos, nervi crurales postici, per dorsum pedis
distintos.

a. c. duo rami, in dorso pedis excurrentes.

b. d. Fibrae ab his utrinque ortae, inter se coalescentes

e. coactus harum fibrarum.




PROOEMIUM.



De consensu partium corporis humani acturi, in limine statim monemus, nobis in praesenti tractatione, rem nullatenus fore, cum Sympathiis aut Antipathiis, quarum Medicorum et Physicorum antiquiorum libri sunt pleni, qui in rimandis harum causis, mirum in modum ingenia torserunt, in iisque assignandis, ad actionem

in distans, et qualitates intentionales atque occultas prouocarunt. Neque sermo nobis erit, de consensu partium, aut regionum externarum corporis nostri, faciei nimirum cum reliquo trunco, frontis cum pectore, superciliorum cum scapulis, oculorum cum axillis, genarum cum coxis, buccae cum abdomine, aurium cum brachiis, brachiorumque cum cruribus, qualem supponunt quidam, perhibentes, maculas, uerrucas, et huius generis naeuos, in facie eiusque ambitu conspicuos, talium in dictis locis iterum occurrentium, indices esse, de quo tractatum edidit SEPTATIUS, uid. *Ipsam Germ. D I. A I Obs. XX Solution, pag. 80.* Maioris momenti et ponderis est, consensus partium et sympathia, quo, una affecta, aliae etiam longo interuallo distantes, simul affici atque compati obseruantur. Notitia huius medico
ad




Digitized by the Internet Archive
in 2019 with funding from
Wellcome Library

<https://archive.org/details/b3051129x>

ad indagandas causas et sedes morborum radicales, est summe necessaria, atque iudice illustri HOFFMANNO in *Medic. rational. Systemat. Tom. III. Sect. I. Cap. I. § II.* maximi momenti et usus in Pathologicis, adeo, ut sine eiusdem accurata notitia, plurima, quae in morbis accidunt, symptomata, quomodo producantur, uix, ac ne uix quidem explicari possit. Idem laudatus Vir propterea argumentum, in libris medicis, ut ait, partim minus pertractatum, partim penitus neglectum, *loco citato* peruestigatius paulo, et subtilius agitavit, ac perpendit, multisque observationibus curiosissimis pariter, ac utilissimis illustravit. Rei dignitate permoti, in praesenti, thematis inauguralis loco, quaedam de partium consensu commentari constituimus. Ansam nobis dedit, spasmus singularis brachii dextri, duorumque eiusdem

manus digitorum, ab hernia antehac inducta, relictus, iterato recurrens, in uiro obseruatus. Hac occasione simul neruorum axillarium, in capsula communi inclusorum, peculiarem concursum et colligationem, ac ramorum crucialium, per pedem extremum excurrentium, coalitum, ac papillarum cutanearum in digitis manuum pedumque constitutionem, et dispositionem, sicuti haec ex praeparatis horum neruorum, in adiectis figuris delineare curauimus, exponere uoluimus.





HISTORIA.



ir XLVI. annorum, ante XIV. circiter annos, in subleuatione ponderis grauis, animam comprimendo, subito, quasi fulmine tactus, prosternebat, ob dolorem atrocissimum, in inguine lateris dextri obortum, quo per dies aliquot continuato, atque indies aucto, animam agere n'jus est. Pacatis sensim omnibus, causa se huius doloris manifestauit. Prodiit enim in conspectum hernia, qua intestina per anulum muscularem, et processum peritonaei dilatatum, successue in scrotum illapsa sunt. Ab isto tempore ille subinde, etiam nulla ansa data, oborta pressione dolorifica in inguine, doloribus capitis, anxietatibus, languore totius corporis per unum vel alterum diem affligitur, quae symptomata in principio, malo adhuc recenti existente, frequentius redierunt, sensim uero imminuta sunt, atque nunc rarius recurrunt. Reliquo tempore satis bene ualet, labores durissimos, absque molestia fert, nec facile a quibusuis generis alimentis, etiam flatulentis laeditur. Praeter symptomata enarrata, hoc peculiare accidit, ut subito et inopinato inter actiones, brachium dextrum terano doloroso extendatur, cum uiolenta duorum

duorum digitorum medii et annularis, contractione, quos non, nisi admota altera manu, flectendo cubitum, adhibere omni vi, erigere potest. Manifestavit se hoc accidens, mox post factam rupturam, altero uel tertio die, ac primo tempore frequentissime, bis terque in die uno, unica saepe hora, repetiit, postbac remisit, atque tunc rarius interdum aliquot septimanarum intervallo, semel contingit. Hoc singulare et notatu dignum est, non semper cum supra relatis symptomatibus, culpa berniae, exoritur, sed interdum illum accedere, sed interdum istis praesentibus abesse, quandoque absque omni, in bernia percepto incommodo, sentiri

THE S. I.

*Consensus
morboſus
fundatus
in consensu
naturalis
partium.*

Ex hoc casu pateſcit, cauſas morborum et ſymptomatum non ſemper haerere in loco affecto, ſed aliunde ſaepe communicari, partique non ſua, ſed aliarum, etiam maxime diſſitarum, culpa, et per conſenſum affligi. Fundamentum huius compaſſionis morboſae, eſt conſenſus partium naturalis, ac mutua earundem connexio, coordinatio, atque in eundem finem conſpiratio, qua, iudice celebrato HOFFMANNO l. c. non facile firmiter ſuppedit argumentum, ad demonſtrandum, corpus noſtrum eſſe machinam, artificio et uſu omnibus aliis, quae ab humana arte proſicilci poſſunt, longe ſuperiorem et perfectiorem, quod dudum ſagacissimi Medicorum agnouerunt. Etenim omnes machinae arte factae, et automata, ex uarie configuratis machinulis, elatris, ſpirulis, helicibus, axibus, trochleis, cochleis, uectibus, catenulis et rotulis componuntur, quae ita inter ſe combinantur et aptantur, ut una alteram

pellat,

pellat, ac moueat, omnesque ita in perficiendis motibus determinatis conspirent; contra una harum laesa, ac uel unico dente rotulae distorto uel fracto, protinus motus reddantur inordinati, uel penitus cessent. Haud absimili ratione comparata est machina corporis nostri, ex mille aliis simplicioribus coagmentata, atque diuino et ineffabili plane artificio a Summo rerum omnium Conditor et sapientissimo Architecto exstructa. Haec quippe, haud lecus, ac istae, ex uarii generis partibus, sigillatim ex fluidis, in solidis contentis, ac influentibus, seu impetum facientibus, et organis solidis, mechanice ex uariis tubulis et canaliculis contractilibus et distensilibus, hinc atque inde ualuulis instructis, conflatis, componitur. Ob- eunt haec uicem elastorum, siphonum, antliarum, aliarumque machinarum, a quarum mutua in se actione et aequilibrio, tot, tamque diuersi in corpore motus peraguntur. Etenim organa et uiscera solida, influxu liquidorum animata et incitata, ita inter se sunt combinata, ut unum alteri suppetias ueniat, plura etiam in una actione perficienda, conspirent, atque arctissimo uinculo uniantur, et perpetuum inter eas intercedat commercium. Quid itaque mirum, si, quae in statu naturali et sano continentur, in praeternaturali labem cum aliis communicent, unumque cum altero compatiatur. Prouti autem unius horum uiscerum et organorum, prae alterius, officium magis est uniuersale, pluribusque inserviens, consensus pariter magis uniuersalis obseruatur, adeo, ut uno affecto, plura, uel pauciora simul afficiantur.

T H E S. I I.

*Ventriculi et
reliquorum,
ad primas
vias parti-
mentium, or-
ganorum con-
sensus, inter
se et cum uni-
uerso corpo-
re.*

Inter functiones corporis nostri, maxime uniuersalis, omnibus reliquis famulans atque inserviens, est alimentorum, in succum nutritium conuersio, seu chylicatio, ad quam canalis alimentorum, cum aliis, ad primas vias pertinentibus uisceribus, pancreate, hepate atque liene conducit. Alimenta quippe in ore prius masticata, dentibusque comminuta, atque cum saliuâ permixta, in uentriculum deglutiuntur, in eodem, motu huius peristaltico, atque diaphragmatis, preli instar incumbentis, pressione conquassantur, atque a lymphâ gastrica soluuntur, et primum in chymum conuertuntur. Hic per pylorum ad duodenum egressus, ab affuso succo biliario et pancreatico diluitur, atque ulterius soluitur, quo ipso partes alimentorum gelatinosæ et oleosæ intimius reclusæ, atque cum aqueis mistæ, a scoriis excrementitiis, postea per aluum excludendis, sensim secedunt, chylumque constituunt. Hic uasorum lacteorum orificia, in tunica uillosa-papillari hiantia, subintrant, ad commune lymphæ chylique receptaculum, indeque per ductum thoracicum ascendendo, ad uenam subclauiam sinistram tendit, in quam, orificio sub ualuula peculiari hiante, infusus, cum sanguine, ad dextrum cordis uentriculum refluxo, miscetur, cum eoque per uniuersum corpus, circulo uniuersali distribuitur. Hanc ob causam mira organorum chylicantium, tum inter se, tum cum uniuerso corpore, obseruatur sympathia. Quocunque enim eorum officio suo, ut par est, non rite satisfaciente, totum illud negotium perturbari necesse est, uti uel sola masticatio neglecta confirmat, iuxta illud tritum: Vitam odit, qui masticationem odit. Quem-
admodum

admodum enim ab hac prima alimentorum praeparatione, atque inutilis ab utili segregatione, omnium reliquorum in corpore humorum constitutio, et qualitas dependet, quia vitium primae digestionis non facile corrigitur in secunda, ita ab huius actionis integritate maxime sanitatem corporis pendere, nemo dubitabit. Qualis enim cibus, talis chylus, qualis chylus, talis sanguis, qualis sanguis, talis sanitas. Vid. B. PARENT. *Hygienen. Cap. III.* Cumulatis quippe, ob vitiosam alimentorum digestionem, cruditatibus, in canali alimentorum, tales cum chylo ad sanguinem delatae, multis morbis occasionem praebent.

THE S. III.

Fluunt ex hoc fonte atque scaturiunt innumeri prope-
modum morbi, quorum semina in primis viis praeparantur, aut qui ab impuritatibus in iis generatis fouentur, et augentur. *Quod confir-*
Affectus ita dictus hypochondriacus, ex vitiosa digestionem atque secretionem in visceribus, sub hypochondriis sitis, depuratoriis, oritur, sed ubi radices egit, per uniuersum corpus expanditur, atque ingentes hinc inde tragodias ludit. In capite enim dolorem, siue totius, siue dimidiae tantum partis, qui hemicrania dicitur, vertiginem, oculorum caliginem, et scotomiam, anxiam et tristem cogitationem, aliaque truculenta symptomata excitat, unde aegri de catarrhis capitis conqueruntur, atque apoplexiam imminentem metuunt. Fallunt autem, et falluntur, qui symptomatibus, neglecto morbo fundamentali, medelam asserere student. Non possum non hic commemorare calum singularem, qui ante triginta fere annos nobis obtigit. Verbi diuini minister in Lusatia inferiori,
B 2 per

per duos annos uertigine continua ac pertinaci laborauerat, adeo, ut uix per hypocaustum ambulare auderet, suoque officio amplius praeesse non posset, et apoplexiam proxime imminentem metueret. Quam ob rem de substituto, ipsi adiungendo, iam deliberatum est. Consuluerat haecenus uarios Medicos, qui ipsum medicamentis anticatarrhalibus, antapoplecticis, sudoriferis fortioribus, atque purgantibus efficacibus tractauerant, sed absque ullo leuamine, ut potius malum deterius fieret, aegerque in eam opinionem ueniret, illud ab incantatione pendere. Tandem per literas a B. Parente auxilium petiit, ac inter alia medicamenta neruina, antispasmodica accepit, a quorum usu, symptomata quodammodo remiserunt. In literis postea, Parente absente, ad me delatis, inter alia retulit, se uertigine maxime urgente, motum quendam in abdomine percipere, ex quo nos coniiciebam, originem mali in hypochondriis haerere. Eam ob causam medicamenta aperitiua, pulueres absorbentes, atque salia fixa, cum martialibus, et blandis laxantibus, transmisi. His usurpatis, insigne solatium percepit, ubi effluxerunt XIV. dies, ipse ad nos accessit, gratiasque pro cura felici retulit. Continuato horum remediorum usu, mox penitus conualuit, ut ultra uiginti annos, sanus et uegetus officio suo praeesse potuerit.

T H E S. IV.

*Alique affe-
ctus, ex cru-
ditatibus pri-
marum uia-
rum orti, uel
saltem aucti.*

A cruditatibus cum sanguine ad pulmonem delatis, oritur frequenter asthma, tussis, quae ideo in pectoralem et praecordialem, ab auctoribus distingui solet. Quo in casu saepe uomitoria blanda, et tempestiue usurpata, profuisse, et a phthisi non solum praeseruasse, sed etiam

etiam proxime imminentem sustulisse, scriptores testantur. Ita HARTMANNVS. in *Prax. chymiatr.* p. m. 81. in incipiente tabe, a destillationibus acribus, inquit, uix dici potest, quantum uomitiones praestent, praesertim ab aqua benedicta. Et paucis interiectis uerbis: Quod si nibilo minus exaceratio ipsius pulmonis, quae exquisitiorem phthisin constituit, suborta fuerit, si recens extiterit, uomitiones multum iuuant, ad mundificationem et pectoris saluam subleuandam. Pariter MANGETT. in *Bibliothec. med. pract.* LXIV. de phthisi ex hypochondriaca affectione orta, dicit: uomitoria lenia, et aegri uiribus aequalia, in principio morbi, instar miraculi huiusmodi phthisicos releuare solent. Nihil addimus de febribus intermittentibus, quarum fomes potissimum in primis uis haeret, in quarum cura, uomitoria omnem fere paginam absoluunt. Talia tamen etiam in febribus continuis, imo malignis, potissimum in initio earum, a quibusdam commendantur. In *Actis Berolinens.* Decad. II. Vol. II. recensetur et defenditur methodus GVNDELSHEIMERI, Archiatri quondam Brandenburgici, curandi uariolas per emetica, aut emetico cathartica, repetito dato, quam idem etiam in cura febrium petechialium adhibuit, hac saltem cum differentia, ut uomitoriis interposuerit uenaesectiones. Quoniam uero haec methodus ipsi auctori, eiusque strenuo imitatori D. SCHWARZIO fatalis fuit, id quod neglectae dierum criticorum obseruationi, in *Actis Berol.* Dec. I. Vol. Sect. I. tribuitur, cum horum morte exoleuit. Nihilo tamen secius testimonium MEIBOMII ibidem ex differt. de uariolis et morbillis 1676. habita, probatur, I SYLVII maxime temporibus, emeticorum usum in uariolarum et morbillorum initiis obtinuisse. Haec ad

demonstrandum totius corporis, cum uentriculo ac primis uis consensum, sufficere in praesenti possunt. Idem tamen non minus sentit aliarum partium lacerationes, et cum iisdem compatitur, uti testantur uomitiones a uulneribus et contusionibus capitis, dentitione difficili infantum, grauiditate mulierum, idque ob consensum neruorum, de quo in subsequentiis.

T H E S. V.

Cordis consensum cum toto corpore

Motu cordis peristaltico uitam inchoari, cuiusmodi experimenta, in ouis incubatis a MALPIGHIO, NEEDHAMO, aliisque instituta, quae in BLASII *Anat. Anim. de ouo et pullo*, et in *Bibliothec. Anat.* uideri possunt. In his altero iam ab incubatione die, etiam ante sanguinis tincturam, punctum illud saliens motu suo se prodit. Cordis motu sufflaminato, ac penitus cessante, uitam finire, et animal intermori, nulla forte probatione indiget, quia a corde, ope circuli sanguinis, uniuersum corpus omnem calorem, nutritionem, ipsamque uitam accipit. Cor itaque merito primum uiuens, et ultimum moriens appellatur, licet hoc uulgare medico-physicum effatum, experimento in mortuis facto, quo epidermis in illis regenerari obseruatum fuit, eludi posse, existimet ANONYMVS in explicatione phaenomeni de uampyris. Vid. *Commerce. lit. de anno 1771. hebdom. 32.* Hoc tamen putrefactioni potius tribuendum erit. Forte etiam de hac cuticulae, post mortem regeneratione, ualet idem iudicium, quod de capillorum ac unguum post mortem accretione, tulit RYSCHE. *Alhufar. Anat. Dec. 11. p. 46.* Quem etiam secutus est HEISTERVS *compend. anat. §. 20.*

de anguib. Cor itaque est illud primum et perpetuum mobile, cuius actione flumen sanguineum, durante uita, continenter, et sine ulla intermissione, circumagitur. Ab influente enim per nervos, substantiae eiusdem intertextos, liquido subtili, ac per arterias coronarias non tantum, sed etiam intra uentriculos, irruente sanguine, ad systolem incitatum, constringitur, sanguinemque acceptum, per arteriam pulmonalem et aortam, ad uniuersum corpus propellit, quem per uenam cauam et pulmonalem refluxum, in diastole, ex auriculis iterum recipit. Circuitus itaque sanguinis uitalis, omnibus partibus communis, fundamentum est, quare omnes tum cum corde, tum inter se compatiuntur. Turbato enim, et intercepto motu cordis, totum corpus languescit, et homo proximus morti est, uti testatur Lipothymia atque Syncope. Sanguinis circulo in quibusdam locis impedito, atque difficili reddito, flumen sanguineum necessario, tanto maiori cum impetu, uersus alias partes ruit, et inflammationes, febres, haemorrhagias efficit. Pariter etiam cor a uariis causis, in remotis quandoque locis haerentibus, ad motus conuulsuos concitatur, testantibus palpitationibus cordis, in hypochondriacis, hystericis, aliisque affectibus, inprimis propter nervos, de quorum consensu nunc dispiciemus.

T H E S. VI.

Praecipuum consensus partium fundamentum residet, in genere nervoso, a cerebro per uniuersum corpus expanso. Ab hoc omnis sensus motusque, tam animalis, quam uitalis, ipsiusque cordis pendet. *Cerebrum et cor, Consensus co-
rebra et cor-
dis, in perficiendis fun-
ctionibus cor-
inquit sunt.*

inquit VIEUSSENS, in *Neurograph. c. IV. in munis suis obeundis, a se inuicem ita dependent, ut cum alterum deficit, alterum simul deficere oporteat. Experimento quippe WILLISII, et LOWERI, nervo uago in animali uiuo ligato, uel compresso, motus cordis illico imminuitur, et conuulsius fit, imo plane cessat, teste BOHN. in *Circ. Anat. progymn. VI. p. 104.* quia animal, ab ipso torturae huic philosophicae admotum, quasi a fulmine tactum, exspirauit. Feriente contra pulsu cordis, fit, ut mox ipsa quoque succi nervosi progressio et transitus, atque adeo tensio neruorum, et hinc pendent actiones feriantur, uti docet BERGER. de *Nat. human. C. 21. p. 278.* Quemadmodum in se ipso, citante eodem, expertus est MALPIGHIVS, intermittente artiarum pulsu, eadem temporis differentia, oculos momentanea quasi ecclipsi tentari, ac si cilium tunc collabatur, et multiplici succedente pulsus intermissione, corpus ruere, sensu motuque oppressis. Haec testimonia praebent infallibile, de consensu uiscerum horum principum, atque de mutua eorum conspiratione, in quo reliquorum omnium corporis organorum uita, motus, et actio fundatur. Obseruatur enim in cerebro aeque, ac in corde, reciproca dilatatio atque subsidens, quod in Fontanella infantum, atque in uulneribus capitis, cum fractura cranii coniunctis, tactu percipi potest. Hunc motum BAGLIVVS de *Fibra morrice Specimine L. I. C. V.* unice durae matri tribuit, eamque systolen et diastolen durae matris, non per arterias, quae in ipsa disseminatae sunt, uerum per suam praecipue texturam fibrosam singularem, quae cum textura cordis aemulatione contendit, perfici iudicat, eamque propterea cerebri*

rebri cor potius, quam Diaphragma cum MAYOVIO uocandam esse existimat. Examinauit hanc sententiam RIDLEY experimento, in cane instituto, dum duram matrem cultro diuisam, hamulo acuto prehendit, atque suspensam tenuit, atque Systolen et Diastolen ipsius cerebri uidit, quam etiam cum eo adstantes, cum maximo remixu factam, digitis perleserunt. Vid. *Exper. Anat. ad ueram diuiae matris motus causam detegendam institutum ab H. RIDLEY ex Transact. Philos. Angl. Anno 1703. No. 287. p. 1480.* Latinitate donatum, in *Ephem. Germ. Dec. 111. Append. ad An. IX. et X.* Idem etiam Latino idiomate legi potest, in *Philos. Transact. Abridg'd by BENJAMIN MOTTE Vol. II. Cap. II. §. IV. p. 15.* Hanc autem cerebri Systolen et Diastolen non aliunde, quam a pulsû cordis et arteriarum deriuare licebit, utpote quæ, iudice BERGERO *de Nat. hum.* omnes cerebri anfractus, numero innumerabili pererrant, et alluunt, suaque pulsatione cerebrum ad reciprocam dilatationem, et hanc consequentem subsidientiam, propulsionemque succi nervosi, cogunt.

T H E S. V I I.

Manu nos hoc ducit ad quaestionem cardinalem, no- An detur
in Neruis
Fluidum
stro hoc tempore imprimis controuerſam, utrum in neruis reperitur fluidum, a cuius influxu eorundem usus et operatio dependeat. Nostram nunc hanc litem non facimus, nec nos huic controuerſiae inuicere animus est, imprimis cum fluidi Nerui existentia ualidissimis rationibus ab aliis euicta sit, quarum præcipuas ex-

C

posuit

posuit HEISTERVS in *Compend. Anat.* §. 301. Subscribimus igitur sententiae hactenus receptae, hospitari in nervis liquidum purissimum et subtilissimum, in cerebro a sanguine, ex arteriis corticalibus secretum, atque per tubulos medullares ad principia nervorum adductum, a cuius influxu per nervos, horum tensio, elater, atque operatio, in sensu motuque perficiendo, dependet. Conuenit hoc cum oeconomia animali, quae docet, omnes functiones uiscerum et organorum peragi, secretionem liquidi, peculiaribus usibus destinati. Quis igitur cerebro hoc officium denegauerit? Mirantur propterea non immerito *Actorum Eruditorum Collectores*, BRYNIVM in inquisitione physico-medica de spiritibus animalibus, deque iis praecipuis, quae iisdem attributa, in animantibus, siue sanis, siue morbofis, contingunt, Patavii 1721. edita, cuius recensio habetur in *Actis Eruditarum Anno 1731. Mens. April. p. 173. seqq.* tam parum ad rem dixisse, de tanto cerebri apparatu, bene gnarum, quod natura nihil frustra faciat. Autopsiae contradicit BLASIVS, qui in *Anatome medullae spiralis*, citante BOHNIO in *Circ. Anat. Progymn. XXI. p. 337.* medullarem nervis substantiam omnimode denegat, et nervos simpliciores, seu horum furiculos, nihil aliud esse, ait, quam meningis tenuis productionem filamentosam, sine considerabili substantiae medullaris additione. Si enim hoc nullam perspicimus rationem, quare cortex, qui secretorio munere fungitur, cerebrum et cerebellum superius ambiat, minus vero medullam oblongatam, neque spinalem, sed in hac potius interius contineatur. Hoc sane non aliam ob causam, quam propter egressum nervorum immediatum, ex medullari substantia, factum esse, nemo non uidet. Idem etiam

eui-

eumque solus nervus opticus, in quo dissecto, substantia medullaris non tantum, sed porositas manifesta, cannae Indicae instar, oculis etiam non armatis patet, eiusque substantia medullaris, tunicam retinam, oculi primum visus organum, constituit. Non minus nervus vagus, ex quanta plurimis distinctis fibris medullaribus, e medulla oblongata intra cranium emergentibus, conflatur, cui iungitur nervus accessorius WILLISII, ex medulla spinali ortum trahens, nervique tandem spinales omnes ex distinctis fibris, ex medulla spinali oriundis, componuntur.

T H E S. VIII.

A nervis igitur ex cerebro oriundis, ac inde per unum- Consensus
partium
universalis
per nervos
versum corpus, et singulas eius partes expansis, atque ab influente liquido tensis, adeoque elasticis, dependet potissimum generalis totius corporis consensus. Habent enim se isti, instar chordarum tensorum, quapropter una fibrilla pulsa, reliquae etiam mouentur, et quo plures earum tanguntur, et quo fortior est motus impressus, eo plures quoque nervi, in distitis corporis regionibus, in consensum trahuntur, et conuellantur. Observatur hoc in motibus convulsivis, ac epilepsia uniuersali, cuius causa in unico loco saepe haeret, nihilo tamen secius uniuersum genus nervosum in consensum trahitur, ut patet ex epilepsia infantum, a dentitione difficili, vermicibus intestinorum, atque a punctura nervorum inducta. Meminit LINDENIVS iuuenis, ex carie ossis in pede epileptici, qui sola ligatura forti, paroxysmum inhibuit. Vid. B. PARENTIS *dissert. de morbo sonitico, libel. XIX.* Vnus autem

autem et actio neruorum, in corpore nostro, adeo universalis est, ut non tantum sensui motuique voluntariis praesint, sed etiam, dum omnibus uisceribus, uasorum circulantium et tubulorum secretoriorum atque excretoriorum, tunicis et membranis sunt intertexti, omnium horum organorum functiones, digestiones, secretionesque et excretiones dirigant et moderentur. Non dubitat proinde HOFFMANNVS in *medic. ration. system. Tom. III. Sect. I. Cap. IV. §. 46.* Morbos omnes appellare generis neruosi affectiones, quia laesis quocunque modo, uel neruis per corpus discurrentibus, uel membranosis quibuscumque ac neruosis partibus, illico motuum animaliae, modo leuiiores, modo grauiiores subsequuntur. *Nam nullus, inquit, dolor, nulla inflammatio, nullus spasmus, nulla motus et sensus impotentia, nulla febris, aut humoris ullius excretio accidit, in qua non hae partes patiantur.*

THE S. IX.

*Viscerum
thoracis et
abdominis
consensus
cum capite
et inter se.*

A neruis itaque eorundemque per uniuersum corpus expansione, et liquidi in iisdem influxu dependet potissimum consensus partium, tum capitis cum toto corpore, inprimis cum uisceribus duarum inferiorum cauitatum, tum, horum inter se, quem phaenomena quamplurima confirmant. Quem enim fugit, grauiiores capitis laesiones, contusiones et uulnera, cum commotione cerebri, interdum sequi uomitum, motum uentriculi conuulsium indicantem; a uehementioribus animi commotionibus, inprimis ira, palpitationes cordis, et animi deliquia oriuntur, saepe etiam uentriculi et reliquorum uisce-

uiscerum functio confunditur et labefactatur, quod symptomata monstrant. BAGLIVVS, citante HOFFMANNO loc. saepe cit. §. 21. scribit: *Qui laborant animi perturbatione, potissimum corripuntur morbis uentriculi, ut inter cetera observantur in moerentibus, qui conqueruntur primo de languore uentriculi, mox inappetentia, oris amaritie, sibi circa horas matutinas, cruditatibus, flatibus et sensibus hypochondriacorum.* Confirmat id HOFFMANNVS, dum ait, se non semel, sed saepius uidisse a diuturno animi angore et moestitia, in hominibus antea sanis, hilaris animi, et sanguineae complexionis, affectum hypochondriacum, qui potissimum in uentriculo consistit, subortum fuisse, atque ad huius confirmationem, prouocat ad nostalgia, Heluetis maxime familiarem affectum. Ex dentitione difficili in infantibus, propter laceratos nervos, excitantur uomitus, Diarrhoeae, Lienteriae, uel etiam alui adstrictio. Contra culpa uentriculi, et uitiosae digestionis, in hypochondriacis inducuntur dolores capitis, et uertigo, quale exemplum supra retulimus; porro palpitationes cordis, respiratio difficilis, cum strangulatione faucium, imprimis in foeminis, hysterica passione laborantibus; de consensu uentriculi cum utero, testantur imprimis uomitus gravidarum, mox post conceptionem, primis mensibus frequentes; uermibus intestinorum laborantes, experiuntur dolores capitis, salivationem uitiosam, pruritus narium et sternutationem imprimis tempore matutino, et uentriculo ieiuno. Plurimis argumentis et exemplis consensum horum uiscerum, ut confirmemus, opus non est, quia quotidiana experientia de hoc testatur. Ex instituto de hoc egit laudat. HOFFMANN. l. c. cap. V. de consensu partium nervosarum generatim et speciatim cum uentriculo.

T H E S. X.

*Consensus
huius funda-
mentum est
in nervo in-
tercostali et
uago.*

Huius adeo admirandi uulcerum omnium, tum cum ca-
pite, tum inter se, tum cum toto corpore, consen-
sus fundamentum consistit in nervo intercostali, huiusque
origine, multiplici cum uago concursu et coniunctione,
atque uniuersali per omnia uulcera interna distributione.
Nervi huius intercostalis origo adeo incerta et uaria est,
ut hac de re etiam inter hodiernos praestantissimos Ana-
tomicos non conueniat, tum alii eundem a quinto et
sexto pari, alii ex sexto tantum, alii aliunde prodiisse
perhibent, quorum sententiae uideri possunt in celeberr.
HEISTERI *comp. anat. not. LXX. p. 132.* Qui simul, se
eundem nunc ex quinto, nunc ex quinto et sexto simul
ortum uidisse, testatur. Aliam autem et diuersam de hu-
ius nervi origine, sententiam fouet clar. A BERGEN iun.
quam in *dissertatione sua inaugurali de nervo intercostali*
expoliuit, ubi pluribus rationibus demonstrare annisus est,
eundem ortum trahere ex omnibus nervis, quos in suo,
uerterbris accommodato situ, accipit a uariis spinae, cer-
uicis, dorsi, atque lumborum nervis, adeoque potius esse
nervum medullae spinalis, habentem tot radices, quot
sunt rami, a uertebralibus in ipsum reflexi, cum gangliis
communicantes, eiusque fines, superius intra cranium esse
ramos, in quintum et sextum par euntes, in thorace uero
et abdomine plexuum et ipsius trunci ultimas propagines,
in pelui ramos, in ossis sacri nervos terminatos. Nolu-
mus hoc decidere. Nihil tamen obstat, quo minus eius-
dem principia tum ex medulla oblongata, intra cranium,
ex quinto uel sexto pari, aut ex utroque, tum ex spi-
nali, et ex uertebralibus repetamus, cum ipse A BERGEN
fateat-

fateatur, se non uidere, multiplicem nerui originem eiusdem functioni detrimento esse posse, uel debere. Multo minus illam consensui partium obesse, credendum, ut potius eidem maxime fauere, sit aestimandum. Ad hunc praeterea conducit, eiusdem coniunctio cum pari octauo, seu neruo uago, qui obseruante eodem, in plexu mesenterico superiori, quem WILLISIVS, instar solis inter ceteros planetas, positum esse dixit, terminatur, nec ultra hunc propagatur. Intercostalis uero per peluim distribuitur, et in Ischiaticum terminatur. Ab hoc itaque neruo, uti consensus uniuersalis, ita quoque herniae cum brachio in casu a nobis proposito, dependet.

T H E S. XI.

Neruus intercostalis in transitu suo, per collum, thoracem et abdomen, plurima monstrat tubercula minora, ob figuram a FALLOPIO corpora oliuaria, alias plexus ganglioformes, uel ganglia dicta, a tumoribus morbosus, hoc nomine donatis, probe distinguenda. Horum structuram internam, mira subtilitate atque incomparabili industria extricauit LANCISIVS, atque in *dissertatione peculiari ad celeberr. MORGAGNVM* data, huius *Aduersariis anatomicis V.* adiecta, exposuit et figuris illustrauit. Accipit nimirum ganglium supremum in collo, quod maius est, plerumque sinistrum, tum humanum, tum, ut eius particulae cerni possent, equinum, illudque examini subiecit. Obseruat proinde, illud tribus inuolui membranis, quas tunicas, non dubitat, a cerebri membranis originem ducere, licet parumper augentur, et crassescant

*Gangliorum
structura et
usus.*
circa

circa ganglium. Harum exteriorem laxè, tunicae instar uaginalis, illud includere, alteram arctius istud completi, tertiam tendineam adeo ualide, cum eiusdem corpore coniunctam et contextam esse, annotat, ut ab eius superficie, sine eius diuulsione et laceratione separari nequeat. Postquam illud longa coctione elixatum, unguibus leniter diduxit, substantia interna, ex tenuissimis fibris compacta, se ipsi ostendit, quae microscopio uisae, carnosae apparuerunt, ab albo quodam tendine, per centrum, recta, instar axis, a superiore ad inferiorem uerticem protenso, profectae. Has fibras, a memorato tendine, tanquam a pinna costae, non utrinque solum, uerum etiam quaquaversum, seu radiatim ad uniuersam superficiem, nonnihil inferius inclinatas, ferri docet. Hinc infert, gangliorum actionem et uim esse, ut pro animalium motuum opportunitate plus minus contracta, tum canales sanguineos, quibus alligantur, parum eleuent, tum liquidum neruorum uehementius extrudant. Monet tamen simul, *ne singuli neruorum plexus, pro perfectis gangliis accipiantur, ut a nonnullis grauissimis Anatomicis factum sit, quia, ut pergit, alii nerui sunt, qui laxa tantum membrana, ueluti uagina contenti, per simplicem a sociis diductionem et seiunctionem, in uarios ramos diuertere, conspiciuntur, alii uero robustiori tunica, ac fibris non tantum exterius, sed interius quoque ualide muniti, atque intertexti, a superiori ganglio dependent. Cuiusmodi neruorum complicationes, (quae passim plexus nerui uocantur,) quoties in oualem, aut saltem bordeaceum tumorem minime eleuantur, pro absolutis perfectisque gangliis, non uidentur considerandae, uerum accipiendae sunt, uel pro tendineis propaginibus supernorum gangliorum, uel pro colligationibus plurium*

mixtum simul nervorum, quos interdum ipsa natura, medio
 quodam artificio, inter perfectum ganglium et simplicem
 mixtum, necesse atque complicat. A gangliis atque plexibus
 cuncta omnia nervos, eorundem substantiae intertextos
 recipiunt, quorum speciales distributiones uideri possunt,
 c. et apud VIEVSSENS in *Neurographia*, itemque in
 Tab. A. BERGEN de *nervo intercostali*. Ex hoc mani-
 festum est, quantum ganglia et plexus nervosi ad consen-
 suum partium faciant.

T H E S. X I I.

Commemorari tandem meretur, coalitus multiplex ner-
 uorum axillarium ac cruralium, quem in nervis istis, Nervorum
axillarium et
cruralium
atque papil-
larum in di-
gitis consti-
tutio.
 ante plures annos e corpore eductis, atque praeparatis, et
 in museo nostro asseruatis, demonstramus. Oriuntur enim
 nervi axillares, uti notum, a tribus cervicalibus inferiori-
 bus, et duobus dorsalibus superioribus, qui mox post ex-
 itum colligantur, et in capsula, e communi ipsorum in-
 volucro conflata, includuntur, quam VIEVSSENS Tab.
 XIV. Lit. C. D. et Tab. XXV. et XXVI. Lit. A. deli-
 neavit, ex qua nervi brachiales emergunt; Trunci uero
 nervosi per capsulam incedentes, non separatim et di-
 stinctim progrediuntur, sed multiplici coalitu inter se
 connectuntur et concrescunt, antequam e capsula ra-
 mosos spargant, uti ex Figura nostra I. patet. Pariter

neruus lumbaris infimus cum primo ossis sacri coalescit, atque accedentibus reliquis ex osse sacro, cruralem definit. Vid. *VIEVSSENS Tab. XXIX. Lit. B.* Nos praeterea in ramis nervorum cruralium, in dorso et planta pedis excurrentium, tales coalitus in praeparato horum nervorum demonstrare possumus, qualem coniunctionem duorum ramorum, satis diffidorum, in Fig. III. exhibemus. In Fig. II. nervos pollicis manus delineauimus, qui innumerales papillas cutaneas, extremis fibris cohaerentes, monstrant, indeque aristas frumenti repraesentant, quae tamen omnes in Figura exprimi non potuerunt. Singulae papillae, immediate sub et in cute haerentes, dissectis folliculis pinguibus tunicae cellulosae, quibus circumdatae erant, incredibili labore extractae sunt, quas, cellulis apertis, cum conatu exsilire uidimus. Figurae nostrae desumptae sunt ex praeparatis integris, nervorum brachialium et cruralium, quorum plenariam delineationem, ubi aliquando, eandem luci exponendi, dabitur occasio, non ingratum id Lectori futurum confidimus, quia perfectius et absolutius opus, inprimis quantum ad papillas nerveas, se in hoc genere non uidisse, confessi sunt omnes, qui praeparata in museo nostro considerarunt. Patebit hoc etiam omnibus, quibus nostras figuras cum *VIEVSSENII* comparare, uolupte erit. Non possum non promisso, Patrono eo tempore facto, satisfactorius, memorare hic lepidum illud acci-

dens,

dens, quod nobis, in praeparatione neruorum cruralium, occupatis contigit. Dum enim neruum hunc plenarie extractum, purificare et a sordibus liberare studemus, interuenit fortuito caniculus minor, eundemque perfectioni proximum deuorauit. Quam ob rem ira incensi, uix nobis temperare potuimus, quin eundem curo anatomico subiecissemus, modo neruum integrum e uentriculo extrahi posse, spes affuisset. Plura quominus in praesenti addamus, negotia prohibent.



Fig 1.





Fig II



Fig. II.



☆ ☆ ☆

Plus unus doctus, quo LEHMANN gaudet, ocellus
 Cernit, quam centum lumina nota uident.
 Argus centoculus, naturae arcana tueri
 Non potuit: mentis lumine nudus erat.
 Quo rerum secreta patent, quo cernitur Artler,
 Unicus est oculus, mentis in arce nitens.
 Huius inops Argus, dum cernit, nil uidet orbe;
 TV tamen hoc oculo praeditus, omne uides.
 Corporis humani consensum perspicis isto
 Lumine, quaeque docet, magnus Apollo, tenes.
 Hic TIBI serua parat, meritos hic spondet Honores,
 Quos fortunatos annuat esse Deus.

PRAENOBILISSIMO AEQUE EXPERIENTI DOMINO
 CANDIDATO Specimen Eruditionis edenti,
 in testam amicicias posuit

G E O R G I V S V A G H I,
 Iatriensis Hungarus, Med. Cand.
 Opponens.



Kαλῶς δὲ τίμῃς τῶν ἐν Ἀθήναις ἀποδιδόντων,
 τῇ Σοφίᾳ καὶ τοῦ φιλοσοφῆσαι ἀξίᾳ
 σοὶ γὰρ Ἀθηναίη τέχνης ἔψαλα βραβεῖα
 ὤκασε προφρονέως καὶ σπένδῃ κῶδος ἄριζα.
 Οὗτος δὲ βλέψας, ὅτι τέχνη κτῆμα τ' ἀρίστον,
 καὶ γὰρ σοὶ φίλῳ συχαίρω τὰντα τὰ τιμῆς,
 εὐχόμενος τι ἴτη τὰ βίοιο τρισόλβια πάντα.

M. IOANN. CHRISTIANVS SCHVLZE,
 Borgesdorffo - Saxo.



